

SAINT-DENIS

Dé iòi qu'i vén lo non Vatican?

Én quieu, lo Vatican y éve lo non d'én cretsón dé Roma, dou djè dret dou Tevere, fran én fase dou Tsan dé Mars é a drèite dou Gianicolo.

Preméemàn y éve an grama létsée mosan-a é umida; tò vâco, maque bon pe alà én tsan.

Tchéca dé té apré, dé sisse croué vâco dju i pi dé la queuta, Agrippina y a fé dé bé parc flouï.

Tedzor per lé pé lo Vatican, l'ampéreur Nérón y a fé fae én pétché sirque privó; lé dedé son itó tcho lé premé martire crétchèn, én-tre sisse 'co l'apotre Pière qu'y è itó éntéro fran lé.

Dé adón, sé cretsón y è véén én semitirio: tan pé lé payèn qué pé lé crétchèn, tanque ou té dé l'ampéreur Coustantén qué, dou 326 ou 333 apré Jézù Cri, y a baillé odre dé émplàn-à lo sondzón dé la créta pé lle fae bâti la premée bazélécca dédiéye a sèn Pière.

Éa ou Vatican lle itte lo sèn Pae, ma po tedzor y è itó paé: ou moyèn-adzo lo sèn Pae y ittoe dedé lo Palè dou Latrà, é peu tar dedé d'otre émortante bâtize dé Roma, comèn lo Quirinale, que ou dzor dé ouèi y è la rézidanse dou prézidàn dé la répeblécca italiéna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Préi de :

*Conte pe le petchoù de inque - Contes pour les enfants d'ici
Tome II, Histoires d'animaux*

Rita Decime, Musumeci Editeur, Quart (Ao) 1984

Texte publié en 2008 sur « Lo Pèillo »

Collaborateur de Saint Denis pour la traduction: **Oriana Neyroz**

La transcription a été soignée par le Guichet Linguistique